

書名 文章辨體五十卷 天順八年刊本
撰者 明 吳訥 輯
卷 卷十二
內容分類 集 總集 詩文
索書號 集部 總集 47
編號 D7914800

卷十二



彩色首頁1

東洋文化研究所漢籍目錄 編號: D7914800

東洋文化研究所漢籍目錄所藏漢籍善本全文影像資料庫 索書號: 集部 總集 47

漢籍善本全文影像資料庫文本 文章辨體五十卷 天順八年刊本

版權所有: 東京大學 東洋文化研究所

使用上的注意事項

文章辨體卷之一

古歌謠辭

康衢謠

列子堯治天下五十年不知天下治歟不治歟億
兆戴已歟不願戴已歟乃微服遊康衢聞兒童謠云
我烝民莫匪爾極不識不知順帝之則

擊壤歌

逸士傳堯時有八九十老人擊壤而歌壤以木爲
之長三四寸先側一壤于地遙以手中壤擊中者
爲上

而作日入而息鑿井而飲耕田而食帝力於我何有哉
南風詩

海虞後學吳訥

編集



所究研京東院學化文方東
No. 2043





文章辨體卷之十二

海虞後學吳訥編集

古詩三

五言二

感遇

唐陳伯玉

伯玉字子昂武后時上書言山陵事權驕臺正字
遷拾遺劉氏曰唐初詩人承陳隋流靡之餘而伯
玉獨能追變正雅作感遇詩三十八首時人宗之
然其詞旨往往過於深遠故晦翁以物外奇寶為
喻今擇其詞暢理順者冠于唐詩之首蓋以其能
橫制頽波開先作者後學可不知其所自哉

微月生西海幽陽始化昇圓光正東滿陰魄已朝疑太極生天
地三光更廣興至精諒斯在三五誰能徵



林居病時久木木澹孤清閑時觀物化悠悠念群生青春如明
達朱火已滿羸搖落方自此感歎何時平

聖人不利已憂濟在元元黃屋非充意瑤臺安可論吾聞西方
化清淨道彌敦奈何窮金玉彫刻以爲尊雲構山林盡瑤圖珠
翠煩鬼功尚未可人力安能存夸愚適增累矜知道逾昏

可憐瑤臺對灼灼佳人姿碧華映朱實攀折青春時豈不盛光
寵榮君白玉墀但恨紅芳歇凋傷感所思

蘭若自春夏葺何青青幽獨空林色朱鞋冒紫莖遲遲白日
晚媚媚秋風生歲華盡搖落芳意竟何成

翡翠巢南海雌雄珠對林何知美人意驕愛比黃金殺身炎洲
裏委羽玉堂陰旖旎光首飾葳蕤爛錦衾豈不在遐遠虞羅忽
見尋多利信爲累歎息比珍禽

玄蟬號白露茲歲忽蹉跎群物從大化孤英將奈何瑤臺有首

鳥適食玉山水崑崙見玄鳳豈復憂虞羅

吾愛鬼谷子青谿無垢氛囊括經世道遺身在白雲七雄方龍
鬪天下久無君浮榮不礙貴遵養晦時文舒可彌六合卷之不
盈分豈同山木壽空與麋鹿羣

竭來豪遊子勢利禍之門如何蘭膏歇感激自生冤
趨明所避時弃道猶存雲泉旣已失羅網與誰論箕山有高節湘水有
清源唯應白鷗鳥同爲洗心言

樂羊爲魏將食子殉軍功骨肉且相薄他人安得忠喜聞中山
相乃屬放麋翁孤獸猶不忍况以奉君終

古風

李太白

太白天寶中爲翰林供奉嘗曰齊梁以來艷薄斯
極又尚以聲律將作王道非我而誰故作古風其
才氣逸邁有可尚云

大雅久不作吾衰竟誰陳王風委蔓草戰國多荆榛龍虎相啖
食兵戈逮狂秦正聲何微茫哀怨起騷人揚馬激頽波開流蕩
無垠廢興雖萬變憲章亦已淪自從建安來綺麗不足珍聖代
復元古巫衣貴清真辭才屬休明承運共躋鱗文質相炳煥衆
星羅秋旻我志在刪述蕭輝映千春希聖如有立絕筆於獲麟
代馬不思越越禽不戀燕情性有所習風土固其然昔別鴈門
關今戍龍庭前驚沙亂海日飛雪迷胡天蟻蝨生虎鴟心竟逐
旌旆苦戰功不賞忠誠難可宣詎憐李飛將白首沒三邊

郢客吟白雪遺響飛青天徒勞歌此曲舉世誰爲傳試爲巴人
唱和者乃數千吞聲何足道嘆息空凄然
越客採明珠提攜出南隄清輝照海月美價傾皇都獻君君按
劍懷寶空長吁魚目復相哂寸心增煩紆
世道日交喪澆風散淳源不採芳桂枝反棲惡樹根所以桃李

樹吐花竟不言大運有興沒群動爭飛奔歸來廣成子去入無
窮門

鳳飢不啄粟所食唯琅玕焉能與羣鷄刺蹙爭一餐朝鳴崑丘
對夕飲砥柱湔歸飛海路遠獨宿天霜寒幸遇王子晉結交青
雲端懷思未得報感別空長嘆

燕臣昔慟哭五月飛秋霜庶女號蒼天震風擊齊堂精誠有所
感造化爲悲傷而我竟何辜遠身金殿傍浮雲蔽紫闥白日難
回光羣沙穢明珠衆草凌孤芳古來共嘆息流淚空霑裳

青春流驚湍朱明驟回薄不忍看秋蓬飄揚竟何託光風滅蘭
蕙白露洒葵藿善人不我期草木日零落

莊周夢胡蝶胡蝶爲莊周一體更變化萬事良悠悠乃知蓬萊
水復作清淺沛青門種瓜人舊日東陵侯富貴固如此營營何
所求

君平既弃世世亦弃君平觀變窮太易採元化羣生寂寞綴道
論空簾閉幽情騶虞不虛來鸞鷲有時鳴安知天漢上白日懸
高名海客去已久誰能測沉寘

四皓

白髮四老人昂藏南山側偃臥松雪間真翳不可識雲窓拂青
靄石壁橫翠色龍虎方戰爭於焉自休息秦人失金鏡漢祖昇
紫極陰虹濁太陽前星遂淪匿一行佐明聖倏起生羽翼功成
身不居舒卷在曾臆宵冥合元化茫昧信難測飛聲塞天衢萬
古仰遺則

尋陽紫極宮感秋作

何處聞秋聲翛翛北牕竹迥薄萬古心攬之不盈掬靜坐觀衆
妙浩然媚幽獨白雲南山來就我簷下宿嬾從唐生訣羞訪季
主十四九年非一往不可復對情轉瀟灑世道有翻覆陶令

歸去來田家酒應熟

春日獨酌

我有紫霞想緬懷滄洲間且對一樽酒澹然萬事閑橫琴倚高
松把酒望遠山長空去鳥沒落日孤雲還但悲光景晚宿昔成
秋顏

春日醉起言志

處世若大夢胡爲勞其生所以終日醉頽然臥前楹覺來眄庭
前一鳥花間鳴問此何時春風語流鶯感之欲嘆息對酒還
自傾浩歌待明月曲盡已忘情

自京赴奉先縣詠懷

杜子美

子美仕肅宗爲左拾遺以直言失官流離秦蜀嚴
武表爲節度參謀檢校工部員外郎學優才贍故
其詩兼備衆體而述綱常繫風教之作爲多世號

詩史元微之謂古今詩人未有如子美者也

杜陵有布衣老大意轉拙許身一何愚竊比稷與契居然成獲
落白首甘契濶蓋棺事則已此志常覬豁窮年憂黎元嘆息腸
內熱取笑同學翁浩歌彌激烈非無江海志瀟灑送日月生逢
堯舜君不忍便永訣當今廊廟具構厦豈云缺葵霍傾太陽物
性固莫奪顧惟螻蟻輩但自求其穴胡為慕大鯨輒擬偃溟渤
以茲悟生理獨耻事干謁兀兀遂至今忍為塵埃沒終愧巢與
由未能易其節沉飲聊自適放歌頗愁絕歲暮百草零疾風高
岡裂天衢陰崢嶸客子中夜發霜嚴太帶斷指直不得結凌晨
過驪山御榻在嵒岨蚩尤塞寒空蹴踏崖谷滑瑤池氣鬱律羽
林相摩戛君臣畱歡娛樂動殷摶曠賜浴皆長纓與宴非短褐
彤庭所分帛本自寒女出鞭撻其夫家聚歛貢城闕聖人筐篚
恩實欲邦國活臣如忽至理君豈棄此物多士盈朝廷仁者宜
戰慄况聞內金盤盡在衛霍室中堂有神仙烟霧蒙玉質暖客
貂鼠裘悲管逐清瑟勸客馳蹄羹霜橙壓香橘朱門酒肉臭路
有凍死骨榮枯咫尺異惆悵難再述北轅就涇渭官渡又改轍
羣水從西下極目高崒兀疑是崆峒來恐觸天柱折河梁幸未
折枝撐聲窸率行旅相攀援川廣不可越老妻既異縣十口隔
風雪誰能久不顧庶往共飢渴入門聞號咷幼子飢已卒吾寧
捨一哀里巷亦嗚咽所愧為人父無食致天折豈知秋禾登貧
窶有倉卒生常免租稅名不隸征伐撫迹猶酸辛平人固騷屑
默思失業徒因念遠戍卒憂端齊終南瀕洞不可撥

北征

至德二年子美自賊窟歸鳳翔謁肅宗授左拾遺
時家在鄜州所在寇多彌年艱窶孺弱至餓死者
有墨制許自省視八月之吉公始北征徒步至三

川迎妻子故有是詩東坡嘗云北征詩識君臣之
 大體忠義之氣與秋色爭高可貴也孫華老嘗謂
 老杜北征勝退之南山詩王平甫謂南山勝北征
 終不能相服時山谷尚少乃曰若論工巧則北征
 不及南山若書一代之事與國風雅頌相為表裏
 則北征不可無而南山雖不作未害也二公之論
 遂定

皇帝二載秋閏八月初吉杜子將北征蒼茫問家室維時遭艱
 虞朝野少暇臣顧慙恩私被詔許歸蓬蓽拜辭詣闕下怵惕久
 未出雖之謂詩多玩君有道矣君誠中興主經緯固密勿與胡
 反之已上兩憤所切揮涕戀行在道途猶恍忽乾坤含瘡痍焉
 虛何時畢靡靡踰阡陌人烟耿蕭瑟所遇多被傷呻吟更流血
 回首鳳翔旌旗晚明滅前登寒山重屢得飲馬窟邠郊入北



旅涇水中蕩潏猛虎立我前蒼崖吼時裂菊壘今秋花石戴古
 車轍青雲動高興幽事亦可悅山果多瑣細羅生雜橡栗或紅
 如丹砂或黑如點漆雨露之所濡甘苦悉結實絕思桃源內益
 嘆身世拙坡陁望廊時谷巖互出凌蒼苔水濱我僕猶木末
 鳴鳥鳴黃桑野鼠拱亂穴夜深經戰塹春月暗白首更聞日
 師往者散何處遂令老秦民殘害為甚勿涉和隋胡虜乃
 並髮經年至茅屋妻子衣百結慟哭松聲回悲泉共幽咽平生
 所驕兒顏色白勝雪見命甘面啼垢臍不機牀前兩小女袖
 綻纔過膝海圖扣汝濤舊繡移曲折老安及髮鳳期在短褐
 老夫情懷惡嘔泄臥數日那無囊中帛救汝寒凜慄粉黛亦解
 包衾稠稍羅列瘦妻面復光癡女頭自緝學母無不為曉粧隨
 手抹移時施朱鈿狼籍盡肩闕生還對童稚作欲忘飢渴問事
 競梳髮誰能即嘔噦翻思在賊愁甘受難言新歸上尉意生

理焉得說至尊向蒙塵幾日休練卒一信天色既安覺妖氛豁
陰風西北來慘澹隨回紇其王願助順其俗喜馳突送兵五千
人驅馬一萬匹此輩少為貴四方服勇決所用皆鷹騰破敵過
箭疾聖心頗虛佇時議氣欲奪伊洛指掌收西京不足拔官軍
請深入黃鉞伺俱發此舉開青徐旋瞻略恒竭昊天積霜露正
氣有肅殺禍轉亡胡歲勢成擒胡月胡命其能久皇綱未宜絕
憤昨狼狽初事與古先一別如臣一菹菹一醢一同一惡一湯一村一不一問一夏一放
衰中自誅襲如周漢獲事與官一光果明哲桓桓陳將軍仗鉞奮
忠烈微爾人盡非于今國猶活淒涼大同殿寂寞白獸闕都人
望翠華佳氣向金闕一陵一固一有神一掃一滌一數一不一缺一煒一煒一天一宗一未一創一
古其老達一以一序一歸一忠一不一忽一於一一一句一括一出一至一身一後一竟一不一改一之一心一也一

述古

赤驥頓長纓非無萬里姿悲鳴淚至地為問馭者誰鳳凰從天

來何意宿高飛竹花不結實念子忍朝飢古來君臣合可以物
理推賢人識定分進退固其宜

市人日中集於利競錐刀置膏烈火上哀哀自煎熬農人望歲
稔相率除蓬蒿所務殺為本邪羸無乃勞舜舉十六相身尊道
何高秦時任商鞅法令如牛毛

漢光得天下祚未固有開豈惟高祖聖功自蕭曹來經綸中興
業何代無長材吾慕寇鄧勲濟時信良哉耿賈亦宗臣羽翼共
徘徊休運終四百圖畫在雲臺

新婚別

兔絲附蓬麻引蔓故不長嫁女與征夫不如弃路傍結髮為妻
子席不暖君牀暮婚晨告別無乃太匆忙君行雖不遠守邊赴
河陽妾身未分明何以拜姑嫜父母養我時日夜令我藏生女
有所歸鷄狗亦得將君今往死地沉痛迫中腸誓欲隨君往形

勢反蒼黃勿爲新婚念努力事戎行婦人在軍中兵氣恐不揚
自嗟貧家女久致羅襦裳羅襦不復施對君洗紅粧仰視百鳥
飛大小必雙翔人事多錯迂與君永相望

遣興

陶潛避俗翁未必能達道觀其著詩集頗亦恨枯槁達生豈是
足默識蓋不早有子賢與愚何其挂懷抱

賀公雅吳語在位常清狂上疏乞骸骨黃冠歸故鄉爽氣不可
致斯人今則亡山陰一茅宇江海日淒涼

吾憐孟浩然短褐卽長夜賦詩何必多徃徃凌鮑謝清江空舊
魚春雨餘甘蔗每望東南雲令人幾悲吒

劍門

惟天有設險劍門天下壯連山抱西南石角皆北向兩崖崇墉
倚刻畫城郭狀一夫怒臨關百萬未可傍珠玉走中原岷峨氣

悽愴三皇五帝前鷄犬莫相放後王尚柔遠臧貢道已喪至今
英雄人高視見霸王并吞與割據極力不相讓吾將罪直宰意
欲鏟疊嶂恐此復偶然臨風默惆悵

田家雜興

儲光義

春至倉庚鳴薄言向田墅不能自力作黽勉取隣女旣念生子
孫方思廣田圃間時相顧笑喜悅好禾黍夜夜登嘯臺南望洞
庭渚百草被霜露秋山響砧杵却羨故年時中情無所取

梧桐陰我門薜荔網我屋超超兩夫婦朝出暮還宿稼穡旣自
種牛羊還自牧日旰懶畊鋤登高望川陸空山足禽獸墟落多
喬木白馬誰家兒翩翩相馳逐

楚山有高士梁國有遺老築室旣相隣同田復同道糗糒常共
飯兒孫每更抱忘此耕耨勞愧彼風雨好蟋蟀鳴空澤鷓鴣傷
秋草日夕寒風來衣裳苦不早

種桑百餘對種黍三十畝衣食既有餘時時會賓友夏來菰米
飯秋至菊花酒孺人喜逢迎稚子解趨走日暮閉園裏團團蔭
榆柳醕酌乘夜歸涼風吹戶牖清淺望河漢低昂看北斗數甕
猶未開明朝能飲否

渭川田家

王摩詰

斜光照墟落窮巷牛羊歸野老念僮僕倚杖候荆扉
秀蚕眠桑葉稀田夫荷鋤立相見語依依即此羨閑逸
式微

嘆白髮

我年亦何長髮髮日已白俛仰天地間能為幾時客
雲徘徊空日夕何事與時人東城復南陌

南亭懷辛子

山光忽西落池月漸東上散髮乘夕涼開軒臥閑敞
荷風送香

夢想

擬古

書應物

曾氏曰擬詩如學畫當識家數要先得其筆意運
規製於胸中然後下筆若展畫臨貌雖似亦下矣
前人擬古既用其意又用其字是盜之也今觀應
物所擬不規規臨倣自成一家語斯可尚矣

辭君遠行邁飲此長恨端已謂道里遠如何中檢艱
流水赴大壑孤雲還暮山無情尚有歸行子何獨難
驅車背鄉國朔風捲行跡嚴冬霜斷肌日入不遑息
憂懼容鬢改寒暑人事易中心君詎知冰玉徒貞白

古擬行行重行行

蘭蕙雖可懷芳香與時息豈如凌霜葉歲暮藹顏色
折柔將

贈延意千里客草木知賤微所貴寒不易

右擬庭中有奇對

春至林木變洞房夕含清單居誰能裁好鳥對我鳴良人久燕
趙新愛移平生別時雙鴛綺留此千恨情碧草生舊跡綠琴歇
芳聲思將寃夢懽反側寐不成擊衣迷所次起望空前庭孤影
中自側不知雙涕零

右擬凜凜歲云暮

有客天一方寄我孤桐琴迢迢萬里隔託此傳幽音冰霜中自
結龍鳳相與吟絃以聶直道淡以固交深

右擬客從遠方來

白日淇上沒空閨生遠愁寸心不可限淇水長悠悠芳藟正如
鬱春禽自相求徘徊東西廂孤三誰與倚年華逐絲淚一落俱
不收

右擬明月何皎皎

効陶彭澤

霜露悴百草時菊獨妍華物性有如此寒暑其奈何接英泛濁
醪日入會田家盡醉茅簷下一生豈在多

寄全椒山中道士

今朝邵齋冷忽念山中客澗底束荆蕪歸來煮白石欲持一尊
酒遠寄風雨夕落葉遍空山何處尋行跡

郡齋雨中與諸文士燕集

兵衛生盡戟燕寢凝清香海上風雨至逍遙池閣涼煩疴近消
散真復滿堂自慙居處崇未覩斯民康理會是非遣性達形
跡忘鮮肥屬時禁蔬果幸見嘗俯飲一杯酒仰聆金玉章神權
禮自輕意欲凌風翔吳中盛文史羣彥今在洋方知大藩地豈
曰財賦疆

南山詩

韓退之

按宋承旨濂嘗云退之詩初效建安晚自成家勢若掀雷挾電撐挾於天地之垠今觀南山詩其雄傑竒特誠有掀挾天地之勢若秋懷諸作則法漢魏者也學者不可不知

吾聞京城南茲維羣山圍東西兩際海巨細難悉究山經及地志茫昧非受授團辭試提挈挂一念萬漏欲休諒不能粗叙所經觀嘗昇崇丘望戢戢見相湊晴明出稜角縷脉碎分繡蒸嵐相瀕洞表裏忽通透無風自飄簸融液煦柔茂橫雲時平凝點點露數岫天宇浮修眉濃綠畫新就孤掌有巉絕海浴褰鵬囁春湯潛沮如濯濯吐深秀巖巒雖律萃輒弱類含耐夏炎百木盛陰鬱增埋覆神靈日歎歎雲氣爭結構秋霜喜刻轢磔卓立崖瘦參差相疊重剛耿陵宇宙參行維幽墨水雪工琢鏤新詩

照危峨嶷丈恒高表明昏無停態傾刻異狀候西南雄太白突起莫聞箴藩都配德運分宅占丁戊逍遙越坤位詆訐陷乾寶空虛寒兢兢風氣較搜激朱維方燒日陰霰縱騰糅昆明大池北去覲偶晴書緜聯窮俯視倒側困清漚微瀾動水面踴躍躁猱狄驚呼惜破碎仰喜呀不仕前尋徑杜墅全蔽畢原陬崎嶇上軒昂始得觀覽富行行將遂窮顛陸煩互走勃然思坼裂擁掩難恕看巨靈與夸蛾遠賈期必售還疑造物意固護蓄精祐力雖能排幹雷電怯呵詬攀緣脫手足躑躅抵積癸茫然試矯首塌塞生向愁威容喪蕭爽近新迷遠舊拘官計日月欲進不可又因緣窮其秋凝湛必陰獸魚蝦可俯掇神物安敢冠林柯有脫葉欲墮鳥驚救爭銜彎環飛投棄急哺噉旋歸道迴矚達枿壯復奏吁嗟信竒怪峙質能化質前年遭譴謫採歷得邂逅初從藍田入顧眄勞頸脰時天晦大雪淚目苦矇矓峻塗拖長

冰直上若懸溜褰衣步推馬顛蹶去且復蒼黃忘遐晷所矚纔
 左右杉篁宅蒲蘇杲耀攢介胄專心憶平道脫險逾避臭昨來
 逢清霽宿願忻始副崢嶸躋冢頂倏閃雜鼉鼙前低割濶濶爛
 漫堆衆皺或連若相從或蹙若相闖或妥若弭伏或竦若驚雉
 或散若瓦解或赴若輻湊或翻若船遊或决若馬驟或背若相
 惡或向若相佑或亂若抽筍或嶮若炷灸或錯若繪畫或繚若
 篆籀或羅若星離或翕若雲逗或浮若波濤或碎若鋤耨或如
 責育倫賭勝勇前購先強勢已出後鈍嗔誼譁或如帝王尊叢
 集朝賤幼雖親不褻狎雖遠不悖謬或如臨食案肴核紛釘餌
 又如遊九原墳墓包榔柝或纍若盆甕或揭若甕豆或覆若曝
 鼈或頽若寢獸或蜿若藏龍或翼若搏鷲或齊若友朋或隨若
 先後或迸若流落或顧若宿留或戾若仇讎或密若婚媾或儼
 若峨冠或翻若舞袖或屹若戰陣或圍若蒐狩或靡然東注或
 儼然北首或如火嘻熾或若氣饋餽或行而不輟或道而不收
 或斜而不倚或池而不殼或赤若禿鬣或燠若柴槲或如龜折
 兆或若卦分繇或前橫若剝或後斷若茹延延離又厲夫夫叛
 還遘喙喙魚闖萍落落月經宿聞閤對牆垣嶽嶽架庫廐參參
 削劔戟煥煥銜瑩瑩敷敷花披萼闌闌屋摧雷悠悠舒而安兀
 兀狂以狂超超出猶奔蠢蠢駭不懋大哉立天地經紀肖營膜
 厥初孰開張俛俛誰勸侑創茲朴而巧戮力忍勞疚得非施斧
 斤無乃假詛呪鴻荒意無傳功大莫酬儻嘗聞於祠官分必降
 歆嗅斐然作歌詩惟用替報酢

秋懷

憶前兩好對眾葉光疑疑秋風一披拂策策鳴不已微燈照空
 牀夜半偏入耳愁憂無端來感歎成坐起天明視顏色與故不
 相侂義和驅日月疾急不可恃浮生雖多塗趨死惟一軌胡為

浪自苦得酒且歡喜

離離挂空悲感感抱虛驚露凝秋對高蟲甲寒夜永歛退就新
懦趨營悼前猛歸愚識夷塗汲古得修綆名浮猶有耻味薄真
自幸庶幾遺悔尤即此是幽屏

霜風侵梧桐衆葉著對乾空塔一片下瑯若摧琅玕謂是夜氣
滅望舒霄其團青冥無依倚飛輒危難安驚起出戶視倚楹久
沈瀾憂愁費處景日月如跳丸迷復不計遠爲君駐塵鞍
鮮鮮霜中菊既晚何用好揚揚弄芳蝶爾生還不早運窮兩值
遇婉變死相保西風整龍蛇衆木日凋稿由來命分爾泯滅豈
足道

青青水中蒲

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如

青青水中蒲葉短不出水婦人不下堂行子在萬里

初秋夜坐贈吳武陵

柳子厚

稍稍雨侵竹翻翻鵲驚叢美人隔湘浦一夕生秋風積霧沓難
極滄波浩無窮相思豈云遠即席莫與同若人抱奇音朱弦絙
枯桐清商激西瀨泛灑凌長空自得本無作天成諒非功希聲
闕大樸孽俗何由聰

界圍巖水簾

界圍匪湘曲青壁環澄流懸泉粲成簾羅注無時休韻磬叩凝
碧鏘鏘徹岩幽丹霞冠其顛想像凌虛遊靈境不可狀鬼工諒
難求忽如朝王皇天冕墜前旒楚臣昔南逐有意仍丹丘今我
始北旋新詔釋縲囚采真誠眷戀許國無淹留再來寄幽夢遺
佇催行舟

南澗中題

秋氣集南澗獨遊亭午時颯風一蕭瑟林影久參差始至若有
得稍深遂忘疲羈禽響幽谷寒藻舞淪漪去國竟已遊懷人淚
空墜孤生易爲感失路少所宜索莫竟何事徘徊祇自知誰爲
後來者當與此心期

與崔策登西山

鶴鳴楚山靜露白秋江曉連袂度前嶺紫烟出林杪西岑極遠
目毫末皆可了重疊九疑高微茫小迥窮兩儀際高出萬
象表馳景泛頽波遙風逝寒篠謫居安所習稍厭從紛擾生同
胥靡遺壽等彭鏗天蹇連困顛踈愚家怯幽耿非令親愛踈誰
使心神稍偶茲遁山水得以觀魚鳥吾子幸淹留緩我愁腸繞

讀書

幽沉謝世事俛默窺唐虞上下通古今起伏千萬途遇欣或自
笑感戚亦以吁縹帙各舒散前後互相逾瘴疴擾靈府日與
昔殊臨文乍了了徹卷兀若無竟夕與誰言但與竹素俱倦極
更倒臥熟寐乃一蘇欠身展支體吟咏心自愉行意適其適非
願爲世儒道盡即閉口蕭散捐囚拘巧者爲我拙智者爲我愚
書史足自悅安用勤與劬貴爾六尺軀勿爲名所驅

長安秋夕

戎昱

八月更漏長愁人起常早閉門寂無事滿地生秋草昨宵西牕
夢先入荆門道遠客歸去來在家貧亦好

送從叔簡

孟東野

長安離別道宛在東城隅寒草根未死愁人心已枯促促水上
影遙遙天際途生隨昏曉中皆被日月驅北驥繞山岳南帆指
江湖高蹤一超忽千里在須臾

美人

陸魯望

美人抱瑤瑟哀怨彈別鶴雌雄南北飛一日異栖託諒非金石

性安得宛如昨生爲並帶花亦有先後落秋林對斜日光景自相薄猶欲悟君心朝朝佩蘭若

傷田家

聶夷中

二月賣新絲五月糶新穀
得眼前瘡剗却心頭肉
我願君王心化作光明燭
不照綺羅筵偏照逃亡屋

飛蓋橋翫月

宋歐陽永叔

一本題上有六月十四日夜

天形積輕清水德本虛靜
雲收風波止始見天水性
澄光與粹容上下相涵映
乃於其兩間皎皎挂寒鏡
餘暉所照耀萬物皆鮮瑩
矧夫人之靈豈不醒視聽
而我於此時條然發孤詠
紛昏忻洗滌俯仰恣涵泳
人心曠而閑月色高逾迥
惟恐清夜闌時時瞻斗柄

獨臥有懷

王介甫

午鳩鳴春陰獨臥林壑靜
微雲過一雨浙瀝生
晚聽紅綠紛在眼
流芳與時競有懷無與言
伴立鍾山暝

陳季常見過

蘇子瞻

仕宦常畏人退居還喜客
君來轍館我未覺鷄黍窄
東坡有奇事已種十畷麥
但得君眼青不辭奴飯白
送君四十里只使一帆風
江邊千對柳落我酒杯中
此行非遠別此樂固無窮
但願長如此來往一生同

妾薄命悼曾南豐作

陳無已

主家十二樓一身當三千古
來妾薄命事主不盡年起舞爲主
壽相送南陽阡忍著主衣裳
爲人作春妍有聲當徹天
有淚當徹泉死者恐無知
妾身長自憐

又同前

葉落風不起山空花自紅
捐世不待老惠妾無其終
一死尚可

忍百歲何當窮天地豈不寬妾身自不容死者如有知殺身以相從向來歌舞地夜雨鳴寒蛩

贈東坡

黃魯直

江梅有佳實託根桃李場桃李終不言朝露借恩光孤芳忌皎潔冰雪空自香古來和鼎實此物升廟廊歲月坐成晚烟雨青已黃得升桃李盤以遠初見嘗終然不可口擲置官道傍但使木根在棄捐果何傷

又

青松出澗壑十里聞風聲上有百尺絲下有千歲苓自性得久要爲人制頽齡小草有遠志相依在平生醫和不並世深根且固帶人言可醫國何用大早計小大材則殊形味固相侶

述懷時任同安簿

朱晦菴

夙尚本林壑灌園無寸資始懷經濟策復見軒裳姿効官刀筆

無施幸蒙大夫賢加惠寬挫答撫已實已優於道豈所期終當反初服高揖與世辭

古意

兔絲附樛檄佳木生高岡弱蔓失所依佳木徒蒼蒼兩美不同根高下末相望相望無窮期相思諒徒爲同車在夢想忽覺淚沾衣不恨歲月邁但惜芳華姿嚴霜萎百草坐恐及茲時盛年不再至已矣不復疑

社後一日作

聖作重品節等殺古所詳里有秦社稷僭差遂無章王綱諒已隳精意尚不忘尚論千載前簡編有遺芳侃侃陳孺子恂恂萬春鄉敬恭事耆老禱賽謹田桑悠悠我里居歲有存故常向來諸老翁敦龐亦端莊交神度或享與物同樂康今我胡不樂悵

然下頽岡古人不可見今人自猖狂

感事有歎

榮華難久恃何謝安可量宿昔堂上飲今歸荒草鄉高臺一以
傾總帳施空房繁絃既闌奏緩舞亦輟行桃李白妍華春風自
飄揚戀幄靡遺思更衣有餘芳身徂名亦滅事往恨空長寄語
繁華子古今同一傷

遊密菴

弱齡慕丘壑茲山屢遊盤朝際青冥外暮陟浮雲端晴嵐染襟
裾水石清肺肝俯仰未云已歲月如飛翰中年塵務牽引脰空
長嘆曠歲一登歷心期殊未闌矧此親友集笑談有餘懽結架
迫巒碣徒倚臨奔湍共惜前古秘今爲後來觀落景麗雲木回
風馥秋蘭林昏景益佳悵然撫歸鞍諒哉故山好莫遣茲盟寒
將遊雲谷約同行者

躋險擇幽棲拳蘿結茅屋疏泉下石淍種樹滿烟谷時登北原
上一騁千里目雲物下逶迤罔巒遠重複軒辭忽曠歲再往恨
牽俗因悲昨遊侶或已在鬼錄暄風悟新陽一雨欣衆綠明發
君莫遲幽期我當卜

臥龍菴正侯祠

空山龍臥處蒼峭神所鑿下有寒潭幽上有明河落我來愛佳
名小築寄幽壑未念千載人丹心豈今昨英姿儼繪事凜若九
原作寒藻薦芳馨飛泉奉明酌公來識此意顧步慘不樂抱膝
一長吟神交付冥漠

陶公醉石歸去來館

予生千載後尚友千載前每尋高士傳獨嘆淵明賢及此逢醉
石謂言公所眠况復巖壑古縹緲藏風烟仰看喬木陰俯聽橫
飛泉景物自清絕優游可忘年結廬倚蒼峭舉觴酌潺湲臨風

長獻亂以歸來篇

頃以多言害道絕不作詩兩日讀大學誠意章有感
至日之朝起書此以自箴蓋不得已而有言云

神心洞玄鑒好惡審薰蕕云何反自誑悶默還包羞今辰仲冬
節寤歎得隱憂心知一寸光是彼重泉幽朋來自茲始羣陰邈
難留行迷亦已遠及此旋吾輓

齋居感興詩二十首 并序

予讀陳子昂感寓詩愛其詞旨幽邃音節豪宕非
當世詞人所及如丹砂空青金膏水碧雖近乏世
用而實物外難得自然之奇寶欲效其體作十數
篇顧以思致平凡筆力萎弱竟不能就然亦恨其
不精於理而自託於仙佛之間以為高也齋居無
事偶書所見得二十篇雖不能探索微妙追迹前

言然皆切於日用之實故言亦近而易知既以自
警且以貽諸同志云

昆侖大無外旁礴下深廣陰陽無停機寒暑互來往皇羲古神
聖妙契一俯仰不待窺馬圖人文已宣朗渾然一理貫昭晰非
象罔珍重無極翁為我重指掌

吾觀陰陽化升降八絃中前瞻既無始後際那有終至理諒斯
存萬古與今同誰言混沌死幻語驚言聾

人心妙不測出入乘氣機凝冰亦焦火淵淪復天飛至人秉元
化動靜體無遺珠藏澤自媚玉韞山含暉神光燭九垓玄思徹
萬微塵縹今寥落嘆息將安歸

靜觀靈臺妙萬化從此出云胡自蕪穢反受服形役厚味紛朶
頤妍姿坐傾國崩奔不自悟馳驚靡終畢春看穆天子萬里窮
轍跡不有析招詩徐方御宸極

涇舟膠楚澤周綱已陵夷况復王風降故宫黍離離玄聖作春秋
秋哀傷實在茲祥麟一以踣反袂空漣而漂淪又百年僭侯荷
爵圭王章久已喪何復嗟歎為馬公述孔榮託始有餘悲拳拳
信忠厚無乃迷先幾

東京失其御刑臣弄天綱西園植奸穢五族沉忠良青青千里
草乘時起陸梁當塗轉凶悖炎精遂無光桓桓左將軍仗鉞西
南疆伏龍一奮躍鳳雛亦飛翔祀漢配彼天出師驚四方天意
竟莫回王圖不偏昌晉史自帝魏後賢盍更張世無曾連子千
載徒悲傷

晉陽啓唐祚王明紹巢封壘統已如此繼體宜昏風塵聚瀆天
倫牝晨司禍凶乾綱一以墜天樞遂崇崇淫毒穢宸極虐燄燔
蒼穹向非狄張徒孰辦取日功云何歐陽子秉筆述至公唐經
亂周紀凡例孰此容侃侃范太史受說伊川翁春秋二三策萬

古開羣蒙

朱光徧炎宇微陰耿重淵寒威閉九野陽德昭窮泉文明昧謹
獨昏迷有開先幾微諒難忽善端本縣縣掩身事齋戒及此防
未然閉關息商旅絕彼柔道牽

微月墜西嶺爛然衆星光明河斜未落斗柄低復昂感此南北
極樞軸遙相當太一有常居仰瞻獨煌煌中天照四國三辰環
侍房人心要如此寂感無邊方

放勳始欽明南面亦恭已大哉精一傳萬世立人紀猗歎嘆日
躋穆穆歌敬止戒燧光武烈待旦起周禮恭惟千載心秋月照
寒水魯叟何常師刪述存聖軌

吾聞庖羲氏爰初闢乾坤乾行配天德坤布協地文仰觀玄渾
周一息萬里奔俯察方儀靜隕然千古存悟彼立象意契此入
德門勤行當不息敬守思彌敦

太易圖象隱詩書簡編訛禮樂矧交喪春秋魚魯多瑤琴空寶
匣絃絕將如何興言理餘韻龍門有遺歌

顏生躬四勿曾子曰三省中庸首謹獨衣錦思尚綱偉哉鄒孟
氏雄辨極馳騁操存一言要爲爾挈裘領丹青著明法今古垂
煥炳何事千載餘無人踐斯境

元亨播羣品利貞固靈根非誠諒無有五性實斯存世人逞私
見鑿智道彌昏豈若林居子幽探萬化原

飄飄學仙侶遺世在雲山盜啓元命祕竊當生死關金鼎蟠龍
虎三年養神丹刀圭一入口白日生羽翰我欲往從之脫屣諒
非難但恐逆天理偷生詎能安

西方論緣業早早喻羣愚傳流世代久梯接陵空虛顧盼指心
性名言超有無捷徑一以開靡然世爭趨號空不踐實躋彼榛
棘塗誰哉繼三聖爲我焚其書

聖人司教化黷序育群材因心有明訓善端得深培天叙既昭
陳人文亦塞開云胡百代下學絕教養垂群居競葩藻爭先冠
倫魁淳風久淪喪擾擾胡爲哉

童蒙貴養正遜弟乃其方雞鳴咸盟櫛問訊謹暄涼奉水勤播
灑擁篲周室堂進趨極虔恭退息常端莊幼書劇嗜炙見惡逾
探湯庸言戒麤誕時行必安詳聖塗雖云遠發軔且勿忙十五
志于學及時起高翔

哀哉牛山木斤斧日相尋豈無萌蘖生牛羊復來侵恭惟皇上
帝降此仁義心物欲互攻奪孤根孰能任反躬良其背肅容正
冠襟保養方自此何年秀穹林

玄天幽且默仲尼欲無言動植各生遂德容自清溫彼哉夸毗
子咕囁徒啾喧但騁言詞好豈知神鑒昏曰予昧前訓坐此枝
葉繁發憤永刊落竒功收一原

逸民詩

元趙子昂

按草廬云元氏宅土中神皇主天下書傳三千年
未有如此者其爲開闢以來非常之大變明矣至
元中嘗聽揚璉真加之言發宋高孝光寧理度諸
陵焚其骸骨併瘞行宮故址作石浮圖壓其上以
厭之于時東南士夫君子若謝臯羽龔聖予輩痛
切至骨窮餓而死子昂四世祖崇憲靖王伯圭實
孝宗親兄子昂早以宗室子任真州叅軍國亡膺
薦仕元官至榮祿大夫翰林承旨前輩嘗題其所
寫雲溪圖有曰如此湖山如此景豈無十畝種瓜
田今觀逸民諸詩則有以知其好德之心未嘗亡
也第弗知其詩作於未仕之時乎抑倦游歸老之
時乎庸書以俟知者考訂云

驅車秣駑馬吾將適齊國聞有魯連子個儻好奇畫一談秦師
走再說聊城拔功成不受賞高舉振六翮布衣終其身豈復爲
世役茫茫千載遠安往訪遺跡躊躇東海上向風長太息
四時相代謝榮耀安足恃瓜田引新蔓不見桃與李知者解其
會遇坎當復止邵生故秦吏乃亦睹茲理賢哉感我懷三嘆不
能已

塵事非所便田園久見招歸來三徑中蔚蔚長蓬蒿雖有荷鋤
倦濁酒且自陶茫茫大化中委運將焉逃唐虞去已遠由來非
一朝粲粲霜中菊采采忘其勞

早起

馳騫亦已久淹留竟何成疇昔夢至家屋舍還欹傾晨思理垣
墉夕念鉏榛荆唯恐歲年莫惕然心爲驚歸去叶有難納履斯
遄征未言得安居庶無愧平生

勉學詩

陳子平

子平蘇人隱居行義德學充備張士誠兵入城其
兄被執子平奔救被害而卒

殘鐙結成花枯木化為菌凋零如此物秀氣終未盡人心最靈
智自棄獨何忍聖門本弘大梯磴多接引曾高愚魯姿直解配
顏閔流年急如箭髮白難再顯及時不努力老大徒蠢蠢
對木生有枝子弟教有時七年異男女八歲分尊卑二五事書
計逢人多禮儀三五學射御四五加冠綏今人漫不省古道當
如茲欲成高高臺為爾寬作基欲求深深井與爾遠為期不聞
鄒魯學還自俎豆嬉人材日衰少善保膝下兒

兒童聚嬉戲不離父母傍父母顧盼之百憂為爾忘維此慈愛
心比同春日光陽和透地脉草木俱芬芳兒身已長大能不念
往常愉色與婉容傾心奉高堂嗟哉力何短父母恩甚長

上堂拜父母甘旨手自供入廟羅豆籩祀我祖與宗死者魂魄
安生者恩義濃一門無二志警歎生春容豈惟薰閭里上聞天
九重祥雲及膏露滋我庭下松孰去唐虞遠不得身遭逢由來
豪傑士世世皆時雍

藹藹桑梓對遲遲杖屨音未瞻父母顏已起恭敬心對木手所
植杖屨身所任此物猶足重况彼鍾愛深父愛我亦愛不問獸
與禽六親同骨肉何以能相侵

莫驅屋上烏烏有反哺情莫烹池中鴈鴈行如弟兄流觀飛走
倫轉見天地情人生處骨肉胡不心和平田家一聚散草木為
枯榮我願三春日垂光照紫荆同根且並蒂藹藹共生成
妻賢弭夫禍子孝寬父心不知何人語相傳猶至今室家兩和
好如鼓瑟與琴二親豈不懽花木羅春陰雖云一尊酒共酌還
共斟物情動相識安用儲千金家睽在父德豕繫有餘音

內則紀孝養檀弓著哀思寥寥三代音於此猶見之我欲繪作
圖豈無丹青師丹青狀形體情性那可爲冬夏適溫清芳鮮在
盤匱二親未飲食如子渴與飢奈何報本心限以百歲期飛禽
失其曹尚且鳴聲悲創巨痛亦深衰麻交涕淚聖王爲制禮進
退隨天時千人萬人心一人心可知

譙人夏侯氏有女志獨高夫家盡蕩滅節義終持操榮華昔共
享禍患今同遭妾身偶生存勢已埋黃蒿親戚勿訝我人類異
羽毛引刀斷耳鼻見義不見刀至厚莫如地桑田變波濤精金
不畏火見此兒女曹

結交須結心取士須取德古交金百鍊古士麟五色如何當世
人作事多傾側甘言轉相媚內險不可測青青好禾稼生此螟
與螻堂堂美少年化爲狐與蜮

人心天機在利慾日夜昏好苗莫助長惡木先除根斧斤一吐

緩惡木何由斷莫畏根株深所憂筋力短

驅車入東洛策馬上西京所遇何表表莫非公與卿旌旄出廣
路百步無人行前驅與後擁不絕如雷聲人生處困阨孰不思
寵榮此途良足樂此任苦不輕丈夫旣許國身作萬里城永懷
鼎足戒毋使公餽傾

宋學士贈詩用韻以謝

洪武鄭仲涵

我憂何日消正若塵土積心隨道路長目斷山川碧依依江東
雲卷舒度朝夕皎皎海底蟾并高吐秋色雲月會有時猶可慰
寥寥我人胡睽違不得從公側年來性命垂百病身已瘠鳴鴛
入仙洲孤鳳伶影隻洒淚向公言爲我重凄惻

賦秦淮送宋仲珩

朱孟辨

春漲曉云空明澹孤嶼中流送行舟綠波渺南浦鷗從青鏡
下人立滄溟語素縠涼颼圓紋散疎雨桃葉懷舊題後庭歌

吊古因之寄離情前洲采芳杜

冬日何可愛

胡仲伸

冬日何可愛夏日何可畏矯首問羲和羲和不停轡寒燠相代更天運自有常但惜愛日短不及畏日長

鬱鬱孤生桐

鬱鬱孤生桐託根鄒嶧顛皎皎白素絲出自岱岷間一朝奉庭貢妙合良自然桐以為君琴絲以為君絃中含希世音置君離別筵征馬慘不嘶僕夫跪當前君行千里道豈惜一再彈南風日渺渺清商動山川和者音已寡聽者今亦難

遊子

袁凱

遊子行萬里母心亦如之陸行有虎豹水行有蛟螭盜賊凌寡霧露乘寒飢誰云高堂安中有萬險危寄言里中子親在勿

卷十二

文章辨體卷之十三

海虞後學吳訥編集

古詩四

七言

栢梁詩 說見序題

日月星辰和四時武帝駢駕駟馬從梁來梁群國士馬羽林材司

去病馬霍總領天下誠難治丞相石慶和撫四夷不易哉大將軍衛青刀筆之

吏臣執之御史大夫兒寬撞鍾伐鼓聲中詩太常周建德宗室廣大日益滋

宗正劉周衛交戟禁不時衛尉路博德總領從官栢梁臺光祿勳徐自為平

理請讞决嫌疑廷尉杜周修飾輿馬待駕來太僕公孫賀郡國吏功差次

之大鴻臚壺充國乘輿御物主治之少府王温舒陳粟萬石揚管箕大司農張成

徼道宮下隨討治執金吾中尉豹三輔盜賊天下先左馮翊咸宣盜阻南山

為民災右扶風李成信外家公主不可治京兆尹椒房率更領其材詹事陳掌